

抱經堂叢書

方言

乾隆甲辰

方
言

杭州刻本

民國十二年夏五月
北京直隸書局影印

重校方言序


方言至今日而始有善本則吾友休寧戴太史東原氏之爲也義難通而有可通者通之有可證明者臚而列之正訛字二百八十一補脫字二十七刪衍字十七自宋以來諸刻洵無出其右者乾隆庚子余至京師得交歸安丁孝廉小雅氏始受其本讀之小雅於此書采獲裨益之功最多戴氏猶有不能盡載者因出其鈔集衆家校本凡三四細書密札戢書行間或取名刺餘紙反覆書之其已聯綴者如百納衣其散度書內者紛紛如落葉勤亦至矣以余爲尚能讀

此書也悉舉以畀余余因以考戴氏之書覺其當增
正者尚有也劉歆求方言入錄子雲不與故藝文志
無之乃班氏於雄本傳舉其所著書亦闕方言世不
能無疑考常璩華陽國志載雄書凡太予法言訓纂
州箴反離騷皆與傳同而不及四賦乃云典其正於
爾雅作方言此最爲明證應劭而下稱引日益多而
是書遂大著其卷數則歆書中云十五卷郭景純序
亦云三五之篇隋唐以下志皆云十三卷并合與遺
脫不可知然定在郭注之後宋志又云十四卷當因
劉歆書與雄答書向附在簡末者亦別爲卷而并數

之也雄識古文奇字嘗作訓纂篇今不傳趙宋時書
學生亦令習方言則方言中字其傳授必有自如家
齋赫齊僂舉之類凡舊所傳本皆然考之漢隸亦有
證據正不必執說文之體以盡易之又其中有錯簡
兩條亦尚有字當在上條之末而誤置下條之首及
不當連而連者有過信他書輒改本文者注及音義
又有遺者誤改者余以管見合之丁君校本復改正
百廿有餘條具著其說可覆案也郭氏注爾雅三卷
又有音義一卷則知此書之音亦必不與注相雜廁
後人取便讀者遂併合之以郭音古雅難曉又附益

以近人所音如通志載有吳良輔方言釋音一卷此書當有據摭及之者余欲使注自爲注仿劉昭注補續漢志之例進郭注爲大字而音則仍爲小字雖未必卽還景純之舊觀然要使有辨焉爾至集各家說及文弔之說上又加圓圍以隔之戴書已行世故唯錄其切要者舊本又有云字一作某者疑出於鼂公武子止氏案鼂讀書志云予傳方言本於蜀中後用國子監刊行本校之多所是正其疑者兩著之據斯言則知爲鼂氏所加無疑也予嘉丁君之績而惜其不登館閣書成不得載名於簡末世無知焉又其所

緝綜者紛綸參錯不易整比久久將就散失不愈可
惜乎故以餘閒爲成就之如此丁君名杰今已成進
士待學博士闕於杭州其學實不在戴太史下云
乾隆四十有七年五月朔杭東里人盧文昭書於山
右三立書院之須友堂



方言序

郭璞

蓋聞方言之作出乎輜軒之使所以巡遊萬國采覽
異言車軌之所交人迹之所蹈靡不畢載以爲奏籍
周秦之季其業隳廢莫有存者暨乎揚生沈淡其志
歷載構綴乃就斯文是以三五之篇著而獨鑒之功
顯故可不出戶庭而坐照四表不勞疇咨而物來能
名考九服之逸言標六代之絕語類離詞之指韻明
乖途而同致辨章風謠而區分曲通萬殊而不雜眞
洽見之奇書不刊之碩記也余少玩雅訓旁味方言

復爲之解觸事廣之演其未及摘其謬漏庶以燕石之瑜補琬琰之瑕俾後之瞻涉者可以廣寤多聞爾

李刻方言後序

西漢氏古書之全者如鹽鐵論揚子雲方言其存蓋

無幾鹽鐵論前輩每恨其文章不稱漢氏惟方言之

書最奇古孟傳頃聞之曾文清公○曾幾字吉甫章貢人諡文清有茶

山詩集十五卷嘗以三詩荅呂治先○名大器茶山

孟傳娶其孫女先生祖謙有云傷心昨夜杯中物不對王郎對影斟

字伯恭○今所輯茶山集內無此詩初疑句紫微呂居仁○

有誤孫詒穀云上四字畧讀乃恍然本中呂伯恭之伯祖次韻云書來甬際銅魚使記我今年病不

斟自注云出子雲方言今所在鏤板輒誤作病不禁

○困學紀聞所載同此書世所有而無與是正知好之者少也

方言
書
世
有
而
無
與
是
正
知
好
之
者
少
也

山谷詩云追隨富貴勞牽尾乃用太乎經語

○太乎勤首次

七勞牽不得其鼻於尾弊測曰勞牽之弊其道逆也

紹興初胡少汲洪玉父李

文若諸人校黃詩刊本乃誤作榮牽尾自此他本遂

承誤鬱蒼蒼三字文人多愛用之亦或鮮記其出於

太乎

○太乎乎數二八爲竹爲草注鬱蒼蒼也

大抵子雲精於小學且多

見先秦古書故方言多識奇字太乎多有奇語然其

用之亦各有宐子雲諸賦多古字至法言劇秦所用

則無幾古人文章蓋莫不然西漢一書唯相如子雲

等諸賦韓退之文唯曹成王碑柳子厚自騷辭晉問

等他皆不用古字本朝歐文忠王荊公蘇長公曾南

豐諸宗工文章照映今古亦不多用古字得非以爲古文奇字聲形之學雖在所當講而文律之妙則不專在是若有意用之或返累正氣也邪學者要知所以用之當其可則盡善耳今方言自閩本外不多見每惜其未廣予來官尋陽有以大字本見示者因刊置郡齋而附以所聞一二蓋惜前輩之言久或不傳也慶元庚申仲春甲子會稽李孟傳書

○戴云孟傳字文授上虞

人父光字泰發諡莊簡宋史孟傳有兩傳一見卷三百六十三一見卷四百一前畧後詳後訛作孟傳

朱跋李刻方言

漢儒訓詁之學唯謹而揚子雲尤爲洽聞蓋一物不

知君子所恥博學詳說將以反約凡其辨名物析度
數研精覃思毫釐必計下而五方之音殊俗之語莫
不推尋其故而旁通其義非徒猥瑣拘泥而爲是弗
憚煩也世之學者忽近而慕遠捨實而徇名高談性
命過自賢聖視訓詁諸書往往束之高閣盍亦思夫
周官太平之典其道甚大百物不廢雖醫卜方技織
悉畢載聖門學詩不獨取其可興可觀可羣可怨而
鳥獸草木之名亦貴多識本末精粗竝行而不相悖
故漢儒尊經重古純慤有守之風類非後人所能企
及子雲博極羣書於小學奇字無不通且遠採諸國

以爲方言誠足備爾雅之遺闕平時所以用力于此
深矣世之好之者蓋鮮 前太守尙書郎李公一日
語餘苦無善本質偶得諸相識字畫落落可觀因以
告而鋟之木輒併附管見云慶元庚申重午日東陽

朱質書

○天啓前義烏縣志云朱質字仲文

